

budžetima u FBiH ("Službene novine Federacije BiH", broj 102/13, 09/14, 13/14)

Član 40.
(Stupanje na snagu)

Ova Odluka stupa na snagu danom donošenja i biće objavljena u "Službenim novinama Kantona Sarajevo" a primjenjivat će se za fiskalnu 2015. godinu.

Broj 02-49-612/14 29. decembra 2014. godine Sarajevo	Predsjedavajući Općinskog vijeća Stari Grad Sarajevo Vedran Dodik, s. r.
--	--

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), te člana 10. i 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Općine Stari Grad Sarajevo, na sjednici održanoj 29. decembra 2014. godine, donijelo je

ODLUKU

O PRISTUPANJU IZRADI STRATEGIJE ODRŽIVOG RAZVOJA TURIZMA NA PODRUČJU OPĆINE STARI GRAD SARAJEVO ZA PERIOD 2015. - 2019. GODINA

Član 1.

Općina Stari Grad Sarajevo pokreće postupak izrade Strategije održivog razvoja turizma na području Općine Stari Grad Sarajevo (u daljem tekstu Strategija), kao temeljnog strateškog dokumenta za razvoj i unaprijeđenje sektora turizma, za period 2015.-2019. godina.

Član 2.

Zadužuje se Općinski Načelnik da, u saradnji sa Komisijom za privredni razvoj, zanatstvo i turizam Općinskog vijeća Stari Grad Sarajevo, te Službom za obrazovanje, kulturu, sport i lokalni razvoj, formira Radni tim koji će biti nosilac procesa izrade Strategije.

Rok za izradu Strategije je 6 mjeseci od dana usvajanja ove Odluke.

Član 3.

Ova Odluka stupa na snagu osam dana od dana objavljivanja u "Službenim novinama Kantona Sarajevo".

Broj 02-49-16/15 Decembra 2014. godine Sarajevo	Predsjedavajući Općinskog vijeća Stari Grad Sarajevo Vedran Dodik, s. r.
---	--

Na osnovu člana 24. Zakona o budžetima - proračunima u Federaciji Bosne i Hercegovine ("Službene novine Federacije BiH", broj 19/06), člana 38. tačka 3. Zakona o udruženjima i fondacijama ("Službene novine Federacije BiH", broj 45/02), člana 13. Zakona o principima lokalne samouprave ("Službene novine Federacije BiH", broj 49/06), te člana 3. i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj dana 29. decembra 2014. godine, usvojilo je

ODLUKU

O JEDINSTVENIM KRITERIJIMA ZA RASPODJELU SREDSTAVA OBEZBIJEĐENIH U BUDŽETU OPĆINE STARI GRAD SARAJEVO ZA FINANSIRANJE RADA BORAČKIH UDRUŽENJA

Član 1.

Ovom Odlukom utvrđuju se kriteriji za raspodjelu sredstava za redovan rad boračkih Udruženja obezbjeđenih u Budžetu Općine Stari Grad Sarajevo za tekuću godinu.

Član 2.

Pravo na dodjelu sredstava iz Budžeta imaju Općinska boračka Udruženja registrovana u skladu sa Zakonom o udruženjima i fondacijama ("Službene novine Federacije BiH", broj 45/02), a koja imaju sjedište na području Općine Stari Grad Sarajevo.

Član 3.

- 1) Sredstva se dodjeljuju na osnovu Javnog poziva.
- 2) Javni poziv se objavljuje u sredstvima informisanja i na zvaničnoj web-stranici Općine Stari Grad Sarajevo.
- 3) Javni poziv za raspodjelu sredstava raspisuje Općinski Načelnik i traje 15 (petnaest) dana od dana objavljivanja.
- 4) Odluku o raspodjeli sredstava iz granta za Općinska boračka Udruženja donosi Općinsko vijeće Stari Grad Sarajevo.

Član 4.

Pravo prijave na Javni poziv imaju samo Općinska boračka Udruženja koja su registrovana sa sjedištem na području Općine Stari Grad Sarajevo, a koja ispunjavaju opće i posebne kriterije:

I - Opći kriteriji za raspodjelu sredstava

- Registriranost kod Ministarstva pravde Kantona Sarajevo;
- Usvojeni izvještaj o radu Udruženja za prethodnu godinu od strane Skupštine Udruženja;
- Usvojeni finansijski izvještaj za prethodnu godinu od strane Skupštine Udruženja za utrošena budžetska sredstva i sredstva iz drugih izvora kojima se finansira Udruženje;
- Realizovani i započeti projekti iz prethodne godine;
- Program rada za narednu godinu sa obrazloženjem;
- Finansijski plan za narednu godinu;
- Osnovne aktivnosti Udruženja;
- Inovativnost u rješavanju potreba članstva;
- Da ni po kojem osnovu nemaju dugovanja prema Općini.

II - Posebni kriteriji za raspodjelu sredstava

- Organiziranost i broj članova Udruženja;
- Opravdanost broja uposlenih u Udruženju u odnosu na broj članova;
- Broj realizovanih projekata, iz opusa dodjeljenih sredstava za finansiranje redovnog rada Udruženja, u prethodnoj godini;
- Aktivnosti Udruženja na očuvanju sjećanja na 1992.-1995. i 1941.-1945. godinu;
- Namjensko korišćenje sredstava u skladu sa ovom Odlukom;
- Saradnja i pomoć drugim Udruženjima.

Član 5.

Zahtjev za dodjelu sredstava po raspisanom Javnom pozivu, boračka Udruženja podnose Komisiji za pitanje boraca i žrtava rata Općinskog vijeća Stari Grad Sarajevo, na propisanom obrascu za aplikaciju koji je sastavni dio ove Odluke.

Član 6.

Korisnici dodjeljenih sredstava su obavezni dodjeljena sredstva koristiti namjenski na sljedeći način:

- a) Do 90% dodjeljenih sredstava utrošiti za troškove rada Udruženja;
- b) 10% i više dodjeljenih sredstava utrošiti na programe.

Član 7.

- 1) Komisija za pitanje boraca i žrtava rata Općinskog vijeća Stari Grad Sarajevo, nakon uvida u priloženu dokumentaciju, utvrdit će da li su zadovoljeni opći i posebni kriteriji iz člana 4. ove Odluke, te će nakon provedenog postupka i prijedloga Jedinstvene koordinacije temeljnih boračkih organizacija općine Stari Grad Sarajevo, dostaviti Općinskom vijeću Stari Grad Sarajevo prijedlog za donošenje Odluke o visini sredstava za svako pojedinačno Općinsko boračko Udruženje.

- 2) Visina sredstava za svako pojedinačno boračko Udruženje utvrđuje se Odlukom Općinskog vijeća Stari Grad Sarajevo o raspodjeli sredstava - Grant za Općinska boračka Udruženja.
- 3) Odobrena sredstva doznačavaju se na transakcijski račun Općinskih boračkih Udruženja u skladu sa dinamikom priliva sredstava u Budžet Općine.

Član 8.

- 1) Općinska boračka Udruženja kojima su doznačena sredstva, u skladu sa odredbama ove Odluke, obavezna su dostaviti Izvještaj o utrošku sredstava (prilog, kopija računa ili ugovora) Općinskom vijeću Stari Grad Sarajevo i Općinskom Načelniku putem Službe za boračko - invalidsku zaštitu.
- 2) Općinska boračka Udruženja koja se, kod korišćenja sredstava, ne budu pridržavala odredaba ove Odluke, neće imati pravo učešća za dodjelu sredstava za narednu godinu.

Član 9.

Stupanjem na snagu ove Odluke, prestaje da važi Odluka o jedinstvenim kriterijima za raspodjelu sredstava obezbjeđenih u Budžetu Općine Stari Grad Sarajevo za finansiranje boračkih Udruženja ("Službene novine Kantona Sarajevo", broj 5/10).

Član 10.

Ova Odluka stupa na snagu 8 dana od dana objave u "Službenim novinama Kantona Sarajevo".

Broj 02-49-611/14 Decembra 2014. godine Sarajevo	Predsjedavajući Općinskog vijeća Stari Grad Sarajevo Vedran Dodik, s. r.
--	--

Na osnovu člana 4. i člana 27. stav 1. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04, 26/12 i 32/12), i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 29.12.2014. godine, donijelo je

ODLUKU

O IZMJENAMA I DOPUNAMA ODLUKE O PRIVREMENOM KORIŠĆENJU JAVNIH POVRŠINA NA PODRUČJU OPĆINE STARI GRAD SARAJEVO

Član 1.

U Odluci o privremenom korišćenju javnih površina na području Općine Stari Grad Sarajevo ("Službene novine Kantona Sarajevo", broj 41/13) mijenja se stav (4) člana 12., tako da glasi:

- (4) Korisnicima javne površine koji redovno izvrše obaveze, najkasnije do 31.12. tekuće godine, utvrđene Zakonom o privremenom korišćenju javnih površina na području Kantona Sarajevo, ovom Odlukom i Ugovorom o zakupu javne površine, produžava se korišćenje javne površine za postavljanje slobodnostojećih otvorenih bašči, bez raspisivanja oglasa.

Član 2.

Član 15. mijenja se i dopunjuje, tako da glasi:

Član 15.

- (1) Početna naknada za postavljanje slobodnostojećih otvorenih bašči za mjesec juni, juli, avgust i septembar, po m², iznosi mjesečno:
 - u ekstra zoni 60,00 KM
 - u centralnoj zoni 40,00 KM
 - u I. zoni 30,00 KM
 - u II. zoni 20,00 KM
- (2) Visina naknade za postavljanje slobodnostojećih otvorenih bašči za ostale mjesece tokom godine se umanjuje za 50% od početne cijene.

- (3) Korisnik je obavezan da prije sklapanja ugovora o zakupu javne površine uplati minimum 50% utvrđene naknade za cijeli period korišćenja javne površine.

- (4) Preostali iznos ukupne naknade se raspoređuje na broj mjeseci iz ugovora i uplaćuje sukcesivno, a po osnovu fakture koju u skladu sa Zakonom o PDV-u izdaje Služba za investicije, komunalne i inspekcijske poslove Općine Stari Grad Sarajevo.

Član 3.

Član 16. mijenja se i dopunjuje, tako da glasi:

Član 16.

- (1) Naknada za postavljanje stolova ispred ugostiteljskih radnji za mjesec juni, juli, avgust i septembar, po m², iznosi mjesečno:
 - u ekstra zoni 60,00 KM
 - u centralnoj zoni 40,00 KM
 - u I. zoni 30,00 KM
 - u II. zoni 20,00 KM
- (2) Visina naknade za korišćenje javne površine za namjenu iz stava (1) ovog člana uvećava se za 20% od utvrđene naknade ukoliko je na javnu površinu postavljena tenda.
- (3) Visina naknade za korišćenje javne površine za namjenu iz stava (1) ovog člana, za ostale mjesece tokom godine se umanjuje za 50% mjesečno.

Član 4.

U članu 19. briše se stav (2).

Član 5.

Član 20. mijenja se, tako da glasi:

Član 20.

Naknada za postavljanje konzervatora - rashladnih uređaja za prodaju sladoleda i pića, uređaja za pečenje pečenjarskih i sličnih proizvoda, po m² korisne površine, iznosi mjesečno:

- u ekstra zoni 60,00 KM
- u centralnoj zoni 40,00 KM
- u I. i II. zoni 30,00 KM

Član 6.

Član 27. mijenja se, tako da glasi:

Član 27.

- (1) Naknada za postavljanje tezge za prodaju lutrija, srećki i ulaznica za razne manifestacije, te postavljanje sadržaja za promovisanje proizvoda poslovnih subjekata, po m² korisne površine, iznosi dnevno:
 - u ekstra zoni 100,00 KM
 - u centralnoj zoni 80,00 KM
 - u I. i II. zoni 50,00 KM

Član 7.

Član 28. mijenja se, tako da glasi:

Član 28.

- (1) Naknada za postavljanje slikarskog štafelaja (izložbeni slikarski panoi) za umjetnički rad na licu mjesta i prodaju umjetničkih slika, po dužnom metru, iznosi mjesečno:
 - u ekstra zoni 50,00 KM
 - u centralnoj zoni 40,00 KM
 - u I. i II. zoni 30,00 KM
- (1) Naknada za postavljanje tezge za prodaju umjetničkih i drugih predmeta, proizvoda izrađenih ručnim radom, štampe i knjiga, po m², iznosi mjesečno:
 - u ekstra zoni 50,00 KM
 - u centralnoj zoni 40,00 KM
 - u I. i II. zoni 30,00 KM

Član 8.

Član 42. mijenja se, tako da glasi:

Član 42.

- (1) Naknada za održavanje kulturnih, zabavnih, sportskih i komercijalnih manifestacija, te sajмова i festivala do 300,00 m² javne površine, iznosi dnevno: